

exposicion di hoben pintor arubano jani croes

(Foto: Aldo Paula)

Dia 16 di december ultimo e joven pintor/disc-jockey Jani Croes a tene un exposicion di poster y potret na un hotel local. E bishitantenan di e exposicion por a deleita nan mes cu posternan cu tabata tin un caracter publicitario. Tabata predomina den e posternan pintamento cu perspectiva, pa crea asina un profundidad y e cross-star. E potretnan a wordo saca pa un fotografo local, pero nan a wordo regista pa Jani mes. Na mi parecer e potretnan tambe tabata tin un caracter publicitario.

JANI: E motibo pa e exposicion ta pa manifesta na e pueblo kico nos juventud ta capaz, cu tin talentonan cu por wordo desarolla y ademas pone disciplina ariba cada idea cu bo tin y bringa pa bo yega e meta cu bo kier.

Ademas Jani ta spera cu e exposicion por ta un estimulo pa e otro jovennan cu tin talentonan expone tambe.

Recientemente Jani a bin bek fo'i Colombia caminda e tabata studia arquitectura, esey ta e motibo pakico e ta traha hopi cu profundidad tambe, e ta pensa pa sigi studia na Merca. Cu excepcion di e scol basico y secundario, Colegio Arubano, Jani no a haña ningun educacion ariba e tereno di pintura. Ela cuminsa dedica mas tempo na pintamento e temporada cu e tabata na Bogota, ya e a sinti cu e mester expresa su mes mas y muestra kico e por tambe. Segun Jani e no a haña ningun influencia di ningun otro artista. E ta bisa cu e cosnan cu ta inspirele mas hopi ta e figuranan erotico, "figuranan cu sexualmente ta atrae mi hopi, mi ta gusta usanan den mi afichenan". Durante e exposicion e la laga un paar di poster afo, sigiendo e conseho di algun hende cu a bise cu e posternan cu un toke erotico por trece algun trastorno pa algun hende



"Jani Croes"

cu bin waak. Sin embargo Jani ta pensa di tene un exposicion cu su posternan personal muy pronto, caminda cu e figuranan erotico lo predomina.

E motibo pakico e posternan tabata comercial, ta paso e ta haña cu publicidad tambe ta un arte, anke cu hopi hende no ta di acuerdo, y pa tene e exposicion e lo tabata mester a haña algun ayudo especialmente fo'i comercio y pa e no haña un caracter di limosna e kier a debolbe algo y esey a resulta den forma di un poster. E mes no ta interesa pa sigi si ariba e nivel publicitaria.

Aldo Paula

S.E.P.A

Sindicato di Empleadonan Publico di Aruba
ta desea tur su miembronan
y pueblo di Aruba
UN

Feliz Año



".....e profundidad y e cross-star ta predomina den Jani su posternan....."

HAPPY NEW YEAR



ODUBER
&
KAN



CAMPEON SELF SERVICE

- ** Berdura
- ** Refresco
- ** Fruta
- ** Serbez
- ** Biña
- ** Ice-cream
- ** Tur sorto beleg

Dr. Henriquezstraat 11
Oranjestad - Tel: 4115



Poster Jani, ilustrando e joven disc jockey Yoyo di Canal 90.